

آبونه شرائطی

ممالک عثمانیه ده سنه لکی (۶۵)، اقی
آیلنی (۳۵) غروشدور .
ممالک اجنبیه ده سنه لکی (۱۷)، اقی
آیلنی (۹) فرانقور .

اداره خانه

باب عالی جاده سنده دائره مخصوصه

اخطارات

آبونه بدلی پشتدر .

§

مملکه موافق آثار مع الممنونیه قبول
اولنور . درج ایدله یں یازیلر احاده
اولونماز .

الکشاف

۱۳۳۰

دینی ، فلسفی ، علمی ، ادبی ، سیاسی هنر تعلق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ع . اشرف اربیب

اتبعون اهدکم سبیل الرشاد

عدد ۲۶۱

۹ شوال ۱۳۳۱

پنجشنبه

۲۹ اغستوس ۱۳۲۹

جلد ۱۱

اخطارات

رساله من آل مدینه کو - تزلزل شرطیه
یتون یازیلر هر هانکی رغرت طرفدن
انتباس و اونو بیلیر .

§

مکتوبلرک ، امضالرک ر ضح و اوقوناقلی
ارلدی و آبونه صره نومروسی محتوی
بولونمسی لازندر .

§

ممالک اجنبیه ایچون آبونه اولانلرک
آدرس لری نیک فرانسیزجه ده یارلمسی رجا
اولنور .

§

پاره کوئدرلدیکی زمان نه یه راز اولدیغیک
واضعا بیلدی رلمسی رجا اولنور .

مندرجدر . روایتی نظراً دساتیرك خبر ویردیکی اون بش پیغمبرك
صوکنجیسی اولان ایکنجی (ساسان) ، استانبول ایمپراطوری
« هراقلیوس » ك معاصری بولنان ایوان حکمداری « خسرو پرویز »
زماننده ککش و ساسانیان دولتک تاریخ انقراضندن یعنی ایرانک سعدبن
وقاص طرفندن استیلاسنندن دوقوزسنه اول وفات ایتشدر .
زند ، پهلوی و فارسی لسانلرندن بوس بوتون باشقه برلهجه ایله
یازلمش اولان دساتیر ، ایکنجی ساسان طرفندن کله بکلمه فارسیجه
ترجه ایدلمش ایتش .

ساسانک ترجه ایتش اولدینی دساتیر ، انکلینجهسیله برلکده ؛
(منلا فیروزین کاووس) طرفندن میلادک ۱۸۱۸ نجی سنهسنده
قالکوتده طبع ونشر ایدلمشدرکه الدهکی کتابلرده بوندن عبارتدر .
ایرانده ، آتش پرستی مذهبنک ایلك اول زردشت طرفندن تأسیس
ایدلمش اولدینی حقندهکی ظن خطادن سالم دکلدر . چونکه ایرانده
آتش پرستک P rolatie مذهبنک موجود حقیقیسی پشد ادیان حکمدار-
لرندن (هوشنک) ویا (منوچهر) نامندهکی ذاتلردن بری اولدینی محققدر .
آتشک ماهیتی اقوام ماضیه نظرند برسرکبی تلقی اولنیوردی . کاشانه
افاضه حیات ایدن شمسک ضیا و حرارتیه آتش آرهسنده پک یقین
برمناسبت اولدینی کوریلدیور . ییلدیور ، شمشککبی آتشین برمنظره
ایله ظهور ایدن حادثات جویه ایسه جاهل انسانلرده خوف و خشتیه
مزوج برحس اویندیریوردی . آتشک حیات بشره اولان فائده و
لزومی ایسه خوف و حیرت حسنه برده منت و مودت حسی علاوه
ایدیوردی . اقوام قدیمه آرهسنده آتسه قارشی پرورده ایدیلن بو
حساردرکه بالاخره آتش پرستلکه یول آچمشدر . بی پایان اووملر ،
براق و مکوکب کیجهلر کلدانیلری نجوم پرستلکه سوق ایتش اولدینی کبی
ایران محیطی ده ، ایرانیلری آتسه طایفه تشویق ایلشدر .

ایرانده ، آسه تیلن ، اتیلن و متان کبی قابل اشتعال مولدالماء
قاربونیلرک میذول اولدینندن اوتده بری ده ظهور ایدن (غازمشعل)
لر اقوام جاهله ایرانیه نك آتسه قارشی پرورده ایتدکری حس حرمت
وتعبدی برقات داها آرتیرمشدر . آتش پرستک بشریتک اک قدیم
عقیدهسننددر . مع مافیه شمس پرستلکک ، آتش پرستی دن داها اول
ظهور ایتش اولدینی ده محققات تاریخیه دندر .

هندک اقوام قدیمه سنی تشکیل ایدن آرلرک (آغیلری) ، هوشنک
زماننده آتش پرستی شکلنده ایرانه انتقال ایدرک پیشدادیان سلاله سنک
حکمران اولدینی مدتجه رسمی و عمومی بر دین حالنده بایدار اولمشدر .
فقط پیشدادیان سلاله سی منقرض اولهرق موقعلری کیانیان خاندانی
اشغال ایدنجه ، آتش پرستک عقیده سی ده رواج و اعتبارینی غائب
ایتش و یرینه کلدانیلرک صابیه مذهبی یعنی شمس و کوا که عبادت
ایتمک عادت قیام اولمشدر .

صابیه مذهبی ایران کیانیان خاندانک مؤسسی اولان (کیخسرو)
طرفندن ادخال ایدلمش و (کستاسب) زمانه قدر موقع حاکمیتده قالمشدر .

(وحشور) بوزاتک نشر ایتش اولدینی دینی تقویه ایتکه مأمور ایشلر ،
عننه ، مه آباد خاندانک حکمران اولدینی دوری ایرانک اک
مسعود واک زیاده احتشام آلود برعصری اولهرق تصویر ایدیور .

فقط بالاخره ، مه آبادک تعلیم ایتدیکی احکام اونوتلش ، برچوق
فناقلر ظهور ایتش ، خلق ازیلکه باشلامش و بونک اوزرینه ایکنجی
وحشور اولان (جی افرام بن آباد) ککش . (جی) آذری لغتده پاك
ونظیف معناسنه در . جی افرامک خلقی یعنی اوچونجی وحشور (شای
کلیون جی آلا) نامنده در . شای کلیو ، یکی بر خاندانک مؤسسی در .
(شای) و (شائی) خدایرس دیلمک اولوب بو خاندان (شائیان)
یعنی (اللهه طابانلر) نامیه اشتهار ایلشدر . شائیان خاندانی ایرانده
بیک سنه قدر حکمران اولمشدر . صوکنجیلری (شای مبهول) زماننده
برطاقم قاریشقلقلر ظهور ایتش و خلقی طریق مستقیمدن آیرلمش
اولدینندن دوردنجی وحشور اولان (یاسان) ظهور ایتشدر . یاسان ،
شای مبهولک اوغلی و خلقی در .

یاسان ، عاقل ، متقی و عینی زمانده جسور و عادل بر ذات اولدینندن
در حال آسایش و انتظامی اعاده ایتش وعدل و شفقتیه هرکسک مودتی
جلب ایلشدر . بوکبی اوصافی حائز اولسی کندیسنه فرمان فرمامعناسنه
اولان (یاسان) اسمنک ویرلسنه سبب اولمشدر . عننه ایرانیه دن
آکلاشیلدیغنه نظراً یاسانک تأسیس ایتدیکی خاندانک دوقسان دوقوز
(سالام) یعنی دوقوزملیون دوقوز یوزسنه قدر حکمران اولمشدر .
صوکنجیلری (یاسان آجام) نامنددر .

یاسان آجام وفات ایتدیکی زمان کندیسنه خلف اولسی ایجاب ایدن
مخدومی (کلشاه) ورع و تقوی ایله متصف ، زهد و عبادتله مشغول
بر ذات اولدینندن حکمدارلغه میل کوسترمیه رك ، کوشه انزواسندن
آیرله مشلر ایتش . فقط ایرانده ظهور ایدن اختلال ، قانلی فاجعه لره
یول آچمش ، اورتهلق هرج و مرج اولهرق آسایش و انتظام بوزولمش
اولدینندن کلشاه کوشه انزایی ترکه مجبور قالمشدر .

کلشاه ، اورتهیه آتیه رق اولادلرینی باشنه طویلادقدن صوکره
عدل و آسایشک اعاده سنه چالیشمش و موفق اولمشدر . بوسیدن کندیسنه
ابوالبشر معناسنه اولهرق (کیومرث) نامی ویرلمشدر . دساتیر ،
کیومرته سمان کتاب نازل اولدینی قید ایدیور .

عننه ایرانیه ، سیامک ، هوشنک ، تهمورث ، جمشید ، فریدون ،
منوچهر ، کیخسرو و زردشتک کیومرثک احضاردن اولدقلری
کوستریور . بونلرک کافه شی (مه آباد) دینی قبول ایدرک وضع ایتش
اولدینی آینه صادق قالمش ویا لک زردشت ، مخالفت ابرازیه یکی بر دین
اختراع ایلشدر .

ایران مورخلری کلشاه یعنی کیومرته منسوب اولان حکمدارلری
پیشدادیان ، کیانیان و ساسانیان ناملریله دورت طبقه یه آیرمشلردر .
دساتیرده یکدیگریه مخالف و تألیفلی غیر ممکن برچوق خرافلر

سز مثلاً ساکن خطی ایسترسکز، دیگر بری شدتلی خطی ترجیح ایدر.
بوده برکیف و مزاج ایشی در .

اون سکزنحی عصرک نهایتند یتشدن انکلیز فیلسوفلرندن Bentham
اخلاق و حقیقت مبدأ اولی اولمق اوزره « فائده و یاسعادت » ی کوسته ریور.
سعادت ، اوکا کوره : یکون اعظمی آلامدن تنزیل ایدلش
حد اعظمی حظوظدر . بر فعل ، لذیذ نتیجه لرینک مجموعی الیم نتیجه.
لرینک یکوننی تجاوز ایتدیکی حلاله مفید ، عکس تقدیرده مضر اولور .
بناءً علیه اخلاق ، اعمال انسانیه نک مفیدیتی حساب ایتمکن عبارتدر .
او ، اعمال مذکور نک معتاد نتیجه لرینی تجربه سایه سنده کشف ایده رک
ایچلرندن مفید و مضر اولانلرینی تعیین ایدر ، شایان ترجیح و احتراز
اولانلرینی کوسته ریر . فی الواقع هر وظیفه ، بر طاقم اسباب حسیه و خفیه
ایله دکل ، علت مفیدیت ایله کسب تحقق ایدر . مثلاً اعتدال و استقامت ،
برر وظیفه در . چونکه هر حساب کوره میدانده بر فضله حظ بر اقیلر .
بوحسابی یا یا بیلیمک ایچین ، بهنت هام کوره ، لذات و آلامی مختلف
یدی نقطه نظر دن تصور ایتک لازمدر :

۱: شدت ۲: امتداد . (حظوظ ، شدید و یا ضعیف ، آنی و یا ممتد
اولا بیلیر .)

۳: مجاورت . ۴: یقین (حظلر ؛ قریب و یا بعید ، قطعی و یا
مشکوک اولا بیلیر .)

۵: محضیت . (حظ محض و صاف ، بوتون المردن خالی اولاندر .)
۶: برکت . (بر حظ ، کندینی دیگر بر حقوق حظوظ تعقیب
ایتدیکی وقت برکتلی اولور .)

۷: بعد . (بر حظ ، عینی زمانده نه قدر فضله اشخاص طرفندن
تذوق اولونا بیلیرسه او قدر کنیش اولور .)
آکلاشیلیورکه بوفیلوسوف ؛ حظلری نسبت اوصافه کوره تفریق
ایتمه یور: اوکا کوره بوتون حظوظ ؛ هم جنسدر و یا عینی نوعه منسوبدر ؛
برلرلرندن یالکزر کمیة (شدت و امتداد) یا خود حالات خارجیه ایله
(مجاورت ، یقین . . . الخ . ایله آریلیرلر .)

شوراسی ده شایان دقتدرکه بهنت هام ، فائده و یا سعادتدن ، صورت
ضروری ده دیگر لرینک نفعی طرح و اخراج ایتیور . بونک تمامیه
عکسنه اولارق ، بهنت هامه کوره ، مبدأ مشروعیت ؛ اک بویوک کیتده
بولونان سعادت عظمادر : بونکچون فیلسوف ، وظائفی تعیین ایدرکن
نفع اجتماعی به بلکه نفع شخصی دن داها فضله مربوط قالییور . اوله که
اونک دوشونجه سنه کوره : فردی سعادت ، عمومی سعادتدن غیر قابل
تفریقدر و بونک باشلیجه ایکی سببی وارددر :

(۱) فرد ، کندینی مدافعه ایده من ، حیاتک احتیاجات ضروریه
و کونا کوتی جمعیت خارجنده کندی باشنه تدارک مقتدر دکادر .
اوحالده اونک منفعتی ، دیگر لرینککی ایله حال تضامنده در . « آری ،
قووان حسابنه چالیشیرکن ، کندی نامنده چالیشمش اولور . »
(۲) انسان ، بر موجود پرتأ ثردر . اونک اک شدید حظلری ؛

صائبیه مذهبک رواجی ، قدیم آتش پرستی نی بوس بوتون
اونوتدر مامشدی .

کستاسب زماننده ظهور ایدن (زردشت) ؛ بوقدیم عقیده نک
اوزرینی قاپلایان رماد نسیانی قالدیرمش و آتش پرستی دینی یکی باشند
علوریز اشتعال اولمشدر .

زردشت (آذر) نامنی ویردیکی آتشی ایکنجی صنف آلهار
میاننده تعداد ایلشدر . اسکندر کبیرک ایرانیه هجومی دارا سلطنتی نه بی
امان بر صدمه ایله صارصمش ایسه آتش پرستلکده او قدر مدهش
برضربه ایندیرمشدر . ایران شوکتیه برلکده سقوط ایدن آتش پرستک
(ساسانیان) سلاله سنک ظهورینه قدر خاکستر نسیان آلتنده کیزلی
قالمشدر .

ساسانیلرک مؤسسی اولان (اردشیر بابک) ایران سلطنتی اعاده
ایتدیکی کبی آتش پرستک عقیده سنی ده احیا و تعمیم ایلشدر . اوچنجی
دفعه احیا ایدیلن بوعقیده اسلامیتک تاریخ ظهورینه قدر موقع حاکمیتی
محافظه ایتمشدر .

م . شمس الدین

تربیه اخلاق

بزده اخلاق ، بزده تربیه

— ۳ —

اییکوره کوره اس اخلاق « نفع » در ؛ اوده قبول ایدیورکه حظ
« لذت » خیر مطلقدر . فقط بوحظ عینی زمانده دوامی ، امین و
هردرلو آلامدن مصون اولمالی در . غریزه ایسه کندی باشنه بز
بونتیجه به ایصاله کافی دکدر . عقلکده ایشه قارشاسی ضروریدر .
ایشته اخلاق علمنک ، یاشامق صنعتک تأمین فائده ایتهمسی ؛ بوندن
ایله ری کلیور .

فی الواقع اییکوره کوره ایکی نوع حظ وارددر: (۱) حال حرکتده
بولونان حظکه شدید و مؤثر اولور ، فقط کچیجی در ، آرقاسندن المی ده
سور وکلر کتیرر . (۲) معتدل و ساکن اولور ؛ دوامی در و بر نتیجه
مؤلمه سی یوقدر . مقتضای حکمت ؛ ایکنجی بی برنجی به ترجیح ایتمکدر .
چونکه خیر ، اک سهل التدارک اولان شی در . احتیاجات طبیعیه نک تطمینی ،
المک یوقلنی دیمکدر ، باشقه شیئه لزوم یوقدر . « حکیم ، بر آرپه اکمی
و بر آرزوایله مسعودیتده ژوپیتر Jupiter له مسابقه به کیریشه بیلیر . »
مع مافیه بوصیقی نظریه ، اییکورک شا کردی مه ترودور Métrodore
واسطه سیله « نظریه حظ » استحالده ایتمشدر ؛ اساساً حظ و منفعت
برلرلرینه پک یاقین قومشودر . هرایکی نظریه به کوره آرتیق حظ
« لذت » ؛ « خیر » دن عبارت اولونجه بر مبدأ کبی تقرر ایدر و هرکس
حظوظ ولذاتی بولدوغی یرده التقام ایتمکده سربست اولور . صوکرآ